

永豐縣志卷之二十六

人物志

方伎

宋

鄧冲霄葛溪橋人宋宣和間及第授翰林院庶吉士陞太子贊善精通醫術治太子宫妃疾皆有效驗勅授太醫院使文天祥贊曰董氏業醫一偏鄧氏儒醫兩全本來仁心一點便是太極一丸噫肇統先哲垂範後賢種德皆春意休說杏林仙

按宋無翰林庶吉士之官亦無贊善官因舊志載久姑存之

舊志

永豐縣志

卷二十六

方伎

一

金吉甫湯執中其初皆長安人宣和二年正月金湯二姓各產一嬰女五日能言七日能書手錄女科醫方一卷時以爲異聞於朝欽宗皇帝召至宮中問其故嬰女對曰世人之疾莫甚於婦人婦人之疾莫甚於產厄上帝不忍命我救之故編醫方以傳於世帝歎悅錄其方授孟太后厚賜而遣之踰七月二女俱亡事聞復厚恤其家及靖康改元欽宗北狩孟太后間關避難出其方以濟人無不效驗時吉甫執中皆以醫官扈駕遂家永豐今豐邑金湯二姓女科蓋本於此周必大虞集皆有題跋

按二嬰女授書事涉荒誕而吉甫執中皆以醫官扈

駕至豐考金湯二姓家譜似有確據姑仍舊志載之
新增

明

李原明洪武時道人工書法所居長湖塘凡古今名人書法無所不聚自號畸叟遂有墨藪之名嘗爲書賦極精麗覽者可知其所得云

郭修翰層山人父益懋爲諸生僑寓惠州興甯縣生修翰幼好讀書尤嗜易學母盲廢遂窮天文七政諸書賣卜供養以星命之術名一時有人問壽曰子不及糴逮五月三日其人怒反詰之曰吾糴及釜矣越明日果疾作張總都岳以司馬內召過程鄉召問之對曰猶寄長城

永豐縣志

卷二十六

方伎

二

三歲岳愕然尋有麻陽之命言布政史王某當大用一歲兩遷但不得專勅某果尹京兆再遷卿論邱參政民範旬日必及禍至期果歿貳守莫同自恨不及第恆俯首於人修翰言一歲入召再歲出爲按察使果不謬後修翰病羅俶問之修翰曰子命當先我死猶來問訊耶未幾俶無病卒修翰亦自知死期

蕭民壽字愛山巷溪人業岐軒盧扁之術遊京師投劑奇中嘗見知於聶尙書豹奏請冠帶贈以詩歸陳太常慶爲贊其像

蕭俊彩社州人邑諸生性慈和通醫理治病輒瘳不索酬有不能備藥者輒周之人高其行僉都御史某按吉州

采良醫授以訓科薦之吏部試太醫院精究方術有得
人之譽員外金章爲作序參識劉恕有博愛堂記

參訂
人文

畧紀

國朝

黃鼎偉字嗣英下莊人精形家術龐眉修軀氣溫語直所
學一出於正客贛州桐城張曾敞聞其賢乞盧明楷作
書走贛延請主於其家三年而歸曾敞作序送之其弟
曾敷曾放亦贈以詩
湯兆馥字仿蘭西坊人國學生幼敏悟受先世醫傳得其
祕人號神醫著有補天齋醫方證驗又善繪畫潑墨淋
漓得荆關遺意蔣士銓汪軻謝本量皆贈以詩

永豐縣志

卷二十六

方伎

三

陳禧字元夫龍上人師事湯兆馥工淡墨花鳥沒骨寫生
尤精指頭山水煙雲縹緲林木蒼潤神氣變幻莫測巡
撫海某見而愛之命知縣王鑒以禮聘自是名益著有
得其片紙者至今猶珍惜之

聶湘吟字旣庭雙溪人邑庠生工詩尤精卜筮乾隆己酉
鄉試占本邑中式事爻象四金發動判云今年欲悉登
科事不是金鍾便是劉是科獲中者閩溪鍾貽鑾湖頭
金世鑾二人名姓果符四金之象

胡藝

初名
梅

字早春麻州人精六壬醫卜風水淡墨耽內典
及內丹田爐火丹竈之書飄然物外客遊廣東以醫著

活人甚眾年八十餘卒於粵

戴濬字禹刊洄溪人邑庠生幼好學博覽羣書凡遁甲六壬卜著諸方伎靡不研究斷事多奇驗

李中和字喜然祿江人幼穎異知府王銘琮稱爲神童取入鷺洲書院與姚頤郭綬光龍亨繡三子齊名三子皆取科第去而中和潦倒輒軻輒棄舉業隱於醫用藥多奇中人謂叔和復生

宋兆璵吉江人歲貢生耽醫卜星相之書尤精堪輿斷陰陽宅悉本河洛而參以卦象靡不奇驗名播吉臨南撫間延請無虛日惜抱痰癮疾不能遍赴年五十八卒

上已舊志

人物志

壽民
附

宋

郭德茂紹定二年己丑壽百有二歲有司以聞詔旌幣帛元

劉士表坑田人鶚祖父至治元年辛酉躋百歲以德壽聞詔給帑建坊

黃均玉道堂人泰定元年甲子躋百有一歲詔授冠帶明

劉德崇坑田人宏治元年戊申躋百歲以德壽聞旌表建坊

永豐縣志

卷二十六

壽民

五

王翱舍下人邑庠生正德十二年丁丑躋百歲詔旌爲壽官給帑建坊

徐欽秩廟前人萬曆二十二年甲午壽八十有三郡縣官獎扁額躋百齡詔授冠帶

國朝

王繼德篠嶺人乾隆五十一年丙午壽八十九歲五世一堂榮授八品冠帶

張超然樓門人國學生嘉慶十三年戊辰壽九十二歲親見七代五世同堂 賜黃耆繁衍扁額銀九兩緞一疋

徐文治廟前人邑庠生嘉慶十八年癸酉親見七代五世同堂 賜七葉衍祥扁額銀八兩緞二疋壽躋九十六

而終

王梅魁篠嶺人國學生嘉慶二十四年己卯壽八十三歲
五世同堂 賜眉壽延慶扁額銀八兩緞一疋

史富接羅家地人從九品嘉慶二十五年庚辰壽九十二
歲五世同堂督學王鼎扁獎五世延祥躋百齡建坊

宋懷西滌溪人州同知道光元年辛巳躋七十七歲五世
同堂 賜遐齡綿疋扁額銀七兩緞一疋已上舊志

吳賢佐龍口人例職道光四年甲申壽八十五世一堂其
後戶丁繁衍七世同居知府李鎔經知縣馮詢表其閭
徐郁文北坊廟前人國學生道光十五年乙未壽七十七
歲五世同堂 賜遐齡綿疋扁額銀七兩緞一疋

永豐縣志

卷二十六

壽民

六

王瑚篠嶺人梅魁子州同知道光十七年丁酉壽七十三
歲夫婦親見五世一堂督學許乃普扁獎人瑞家祥知
縣馮詢扁獎麻徵蕃衍

楊瑟溫溪人國學生道光二十年庚子壽八十歲五世同
堂督學吳其濬扁獎積善衍祥

符國華魚溪人鄉賓道光三十年庚戌壽八十六歲五世
同堂督學張芾扁獎延年衍慶

劉清達破塘人年近百歲親見七代五世同堂知縣馮詢
獎扁奏請 旌表其閭

廖聲振張斯坑人鄉賓道光間壽躋百歲 賜昇平人瑞
扁額給帑建坊

符元齡魚溪人例職道光三十年庚戌壽八十五歲五世同堂督學張芾獎以扁額

吳才力中沙人咸豐元年辛亥壽百歲 賜昇平人瑞扁額給帑建坊

何夢枚謝坑人咸豐八年己未壽九十一歲五世同堂仲弟年八十三季弟年八十修撰劉繹獎以三老齊年扁額

黃明德牛角坵人同治七年戊辰壽九十四歲五世同堂王儀芝篠嶺人梅魁孫例貢生同治八年己巳壽七十三歲五世一堂督學徐郅獎以耆年人瑞扁額 已上新增

按壽民壽婦及五世同堂舊志並載祥異門今將壽

永豐縣志

卷二十六

壽民

七

七

民附入人物後而以壽婦歸列女云 新增
補遺

張接紳含下塘坑人咸豐元年壽百歲知縣林燕典扁獎昇平人瑞

史富廷羅家地人同 五年壽百歲知縣彭際盛扁獎期

頤碩望

即百歲翁
富接族弟